



Na osnovu člana 29 Uredbe sa zakonskom snagom o ustanovama („Službeni list RBiH“ broj:06/92,08/93 i 13/94), člana 8.Zakona o ministarskim, vladinim i drugim imenovanjima Federacije BiH („Službene novine Federacije BiH“, broj:12/03,34/03 i 65/13), člana 30. Pravila JU Centar za socijalni rad Breza, te na osnovu Uredbe o postupku prijema u radni odnos u javnom sektoru u Zeničko-dobojskom kantonu („Službene novine Zeničko-dobojskog kantona“, broj:8/19,6/20 i 19/20) a u vezi sa Odlukom Upravnog odbora Centra (broj:01-10-24/2021 od 03.09.2021.) o raspisivanju Javnog oglasa za izbor i imenovanje direktora JU Centar za socijalni rad Breza, JU Centar za socijalni rad Breza objavljuje:

JAVNI OGLAS

za izbor i imenovanje direktora JU Centar za socijalni rad Breza

JU Centar za socijalni rad Breza, ul. ZAVNOBIH-a br.6, 71370 Breza, raspisuje Javni oglas za izbor i imenovanje direktora JU Centar za socijalni rad Breza.
Imenovanje direktora se vrši na period od 4 (četiri) godine.

NAZIV RADNOG MJESTA, STEPEN STRUČNE SPREME I IZNOS OSNOVNE PLATE

“Direktor JU Centar za socijalni rad Breza“ VSS-VII stepen ili najmanje 240 ECTS bodova po Bolonjskom sistemu studiranja.

Osnovna plata za navedeno radno mjesto iznosi 2,3 prosječne plate isplaćene u Zeničko-dobojskom kantonu.

USLOVI ZA IZBOR

OPĆI USLOVI ZA OBAVLJANJE POSLOVA:

1. Da su državljani Bosne i Hercegovine.
2. Da su stariji od 18 godina, ali ne stariji od 65 godina.
3. Da se protiv njih ne vodi krivični postupak.
4. Da nisu obuhvaćeni odredbom člana IX, stav 1. Ustava Bosne i Hercegovine.
5. Da nisu osuđivani za krivično djelo ili privredni prestup koji predstavlja smetnju za imenovanje na upražnjenu poziciju, u roku od 5 (pet) godina od dana izdržane, izvršene, oproštene ili zastarjele kazne.
6. Da im odlukom suda nije zabranjeno obavljanje poslova na poziciji za koju se kandiduju.
7. Da nisu otpušteni iz državne službe kao rezultat disciplinske mjere na bilo kojem nivou vlasti u Bosni i Hercegovini, u periodu od 3 (tri) godine prije dana objavljivanja oglasa za upražnjene pozicije.
8. Da nisu izabrani dužnosnici, nosioci izvršne funkcije ili savjetnici u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“ broj: 70/08).

POSEBNI USLOVI ZA OBAVLJANJE POSLOVA:

1. VSS-VII stepen stručne spreme odnosno visoko obrazovanje prvog ili višeg ciklusa Bolonjskog sistema studiranja (najmanje 240 ECTS bodova) društvenog smjera iz oblasti socijalnog rada, prava, psihologije i pedagogije,
2. posjedovanje organizacionih sposobnosti,
3. poznavanje rada na računaru,
4. 5 (pet) godina radnog iskustva nakon sticanja VSS.

OPIS POSLOVA

- organizuje i rukovodi radom Centra,
- zastupa i predstavlja Centar prema trećim licima,
- predlaže programe i planove rada i razvoja i poduzima mjere za njihovo provođenje,
- predlaže unutrašnju organizaciju i sistematizaciju poslova i zadataka,
- izvršava odluke i zaključke Upravnog odbora,
- odlučuje o pravima, obavezama i odgovornostima radnika iz radnog odnosa,

- podnosi Upravnom odboru izvještaj o finansijskom poslovanju,
- podnosi Upravnom odboru i Općinskom vijeću godišnji izvještaj o radu Centra,
- predlaže Upravnom odboru propise iz oblasti djelokruga rada Centra,
- naredbodavac je za korištenje novčanih sredstava Centra,
- obezbjeđuje saradnju Centra sa drugim organima i ustanovama,
- vrši i druge poslove utvrđene zakonom i Pravilima Centra.

Oblasti iz kojih će se biti sačinjena pitanja za pismeni i usmeni stručni ispit su porodična i socijalna zaštita a literatura iz koje će biti stručni ispiti su Porodični zakon FBiH („Službene novine FBiH“ broj:35/05, 41/05 i 35/14), Zakon o socijalnoj zaštiti, zaštiti civilnih žrtava rata i zaštiti porodice sa djecom Zeničko-dobojskog kantona („Službene novine ZDK“ broj:13/07,13/11,03/15 i 02/16), Zakon o zaštiti od nasilja u porodici FBiH („Službene novine FBiH“ broj:20/13), Zakon o zaštiti i postupanju sa djecom i maloljetnicima u krivičnom postupku („Službene novine FBiH“ broj:07/14) i Zakon o upravnom postupku („Službene novine FBiH“, broj:2/98 i 28/99)

DOKAZI KOJI SE DOSTAVLJAJU UZ PRIJAVU NA JAVNI OGLAS

Kao dokazi o ispunjavanju općih i posebnih uslova iz Javnog oglasa kandidati su dužni dostaviti:

- potpisanu prijavu na oglas sa kraćom biografijom,
- izvod iz matične knjige rođenih,
- uvjerenje o državljanstvu,
- ovjerena izjava/izjave kojom/kojim se dokazuje ispunjavanje općih uslova nabrojanih u tačkama 3,4,5,6,7 i 8
- diploma o stepenu stručne spreme navedenoj u posebnim uslovima,
- uvjerenje o traženom radnom iskustvu navedenom posebnim uslovima,
- dokaz o poznavanju rada na računaru.

Dokumentaciju kojom se dokazuje ispunjavanje uslova navedenih u Javnom oglasu kandidati su dužni dostaviti u originalu ili ovjernoj kopiji i ne može biti starija od 6 (šest) mjeseci od dana prijave na oglas, izuzev Izvoda iz matične knjige rođenih, ukoliko je isti trajan.

ROK ZA PODNOŠENJE PRIJAVA I OSTALE INFORMACIJE

Javni oglas ostaje otvoren **8 (osam) dana** od dana posljednjeg objavljivanja u sredstvima javnog informisanja, a isti će biti objavljen u listu „Naša riječ“ Zenica, na stranici JU Centar za socijalni rad Breza i web stranici Općine Breza a primjerak Javnog oglasa će se dostaviti i JU Služba za zapošljavanje Zeničko-dobojskog kantona.

Zainteresovani kandidati prijave sa potrebnom dokumentacijom podnose u zatvorenoj koverti, na adresu:

JU Centar za socijalni rad Breza
UI. ZAVNOBIH-a broj.6, 71370 Breza,
sa naznakom “NE OTVARAJ-PRIJAVA NA JAVNI OGLAS“

Postupak izbora kandidata zasniva se na razmatranju dostavljene dokumentacije, te održanom pismenom i usmenom stručnom ispitu.

Napomene:

Nepotpune, neblagovremene i neuredne prijave, kao i prijave kandidata koji ne ispunjavanju opće i posebne uslove neće biti uzete u razmatranje.

Kandidati čije prijave budu potpune, blagovremene i uredne će biti obavješteni o mjestu vremenu održavanja pismenog i usmenog ispita, putem obavijesti koja će biti dostavljena na adresu kandidata ili na e-mail adresu kandidata, ukoliko je ista navedena u prijavi, i to najmanje 5 (pet) dana prije održavanja ispita.

Izabrani kandidat biti će u obavezi da u roku od 15 dana od dana zaprimanja obavještenja o njegovom izboru kao najboljeg kandidata dostavi uvjerenje o nekažnjavanju i uvjerenje o nevođenju krivičnog postupka. Po okončanju procedure po Javnom oglasu, dokumentacija priložena uz prijavu neće se vraćati kandidatima.

Telefon kontakt osobe zadužene za davanje dodatnih obavještenja je 032/783-912.

Datum: 06.09.2021.godine
Broj: 10-30-521/2021

Predsjednik Upravnog odbora
JU CENTAR ZA SOCIJALNI RAD
BREZA
Avdukić Hidajet